



SIPA-ini ISTRAŽITELJI U AKCIJI "LIFT" UHAPSILI PET OSOBA

ORUŽJE NABAVLJALI KRIMINALCIMA U BiH, SRBIJI I NJEMAČKOJ

Uhapšena petorka organizovala krijumčarenje i prodaju oružja i municije. Akcija hapšenja osumnjičenih provedena u Mostaru i Sarajevu

Policijai službenici Državne agencije za istrage i zaštitu (SIPA) uhapsili su jučer pet osoba sa područja Sarajeva i Mostara u provedenoj policijskoj akciji kodnog naziva „Lift“, a koja ima za cilj suzbijanje nelegalne trgovine oružjem u našoj zemlji.

Međunarodna trgovina

Kako je saopćeno iz Tužilaštva BiH, akcija je provedena po nalogu tužioca iz Posebnog odjela za organizirani kriminal, gospodarski kriminal i korupciju

Istraga u ovom slučaju je pokazala da se oružjem snadbijevaju počinioci raznih krivičnih djela, čime se nanosi velika opasnost za opću sigurnost građana u BiH i inozemstvu

Tužilaštva BiH, a osumnjičeni se na teret stavlja međunarodna trgovina oružjem. U pretresima u okviru ove akcije je pronađena i zaplijenjena veća količina oružja, municije i druge vojne opreme, namijenjena ilegalnom tržištu naoružanja. Prema do sada dostupnim informacijama osumnjičeni su oružje krijumčarili na području BiH, Srbije i Njemačke.

-Istraga u ovom slučaju je pokazala da se oružjem snadbijevaju počinioci raznih krivičnih djela, čime se nanosi velika opasnost za opću sigurnost građana u BiH i inozemstvu - kazao je za Faktor Boris Grubešić, glasnogovornik Tužilaštva BiH, dodavši kako više informacija o cijelom slučaju ne može davati jer se operativne radnje u ovome slučaju još uvijek provode.

Saslušanje uhapšenih

Ono što je za sada poznato jeste da se osumnjičeni na teret stavlja da su kao organizirana grupa, tokom 2015.



Zaplijenjeni pištolji, municija i vojna oprema

godine, krijumčarili oružje, u najvećoj mjeri pištolje, municiju i vojnu opremu, čije držanje i nabavka ni pod kojim uvjetima nije dozvoljena civilima i građanima.

Oni su organizirali krijumčarenje i prodaju kako u BiH, tako i na područje Njemačke, a na teret im se stavlja krivično djelo neovlaštenog prometa oružjem, municijom i

proizvodima dvojne namjene.

Nakon operativne obrade u prostorijama SIPA-e, osumnjičeni će biti sprovedeni tužiocu koji će ih ispitati i odlučiti o daljim mjerama. E.F.